

Q. D. B. V.
REIP. AC ECCLESIAE RIGENSIS
ANTISTITES,

Utriusq; Lumina atq; Columna,

Quin imo

Aures quascunq; doctas,

Ut,

Sub novi anni auspiciis.

DE NOVO

ROMANORUM
VETERUM

ANNO CUM NOSTRO COLLATO,
Juvenem Ingenio, Virtute ac Eruditione
Præstantissimum,

HERMANNUM BREVERUM,

RIGENSEM,

Ad XI. Januarii horam X. matutinam,

In Lycei nostri Acroaterio,

Verba facturum prōdō excipient affectu,
demissè ac officiōe invitat

M. HENNINGUS WITTE,

ELOQ. ET HIST. P. P.

RIGÆ,

Typis HEINRICI BESSEMESSERI.



Alendæ Januariæ, singulaři Nu-
minis gratiâ, iterum nobis non ad-
eò pridem illuxerunt, quas, præ
cæteris anni diebus, turpisimis
pollutas superstitionibus, auspica-
tissimas semper Ethnici existimâ-
runt. Illas autem humani Repa-
rator generis unicus, CHRISTUS,
plenisimè ac certissimè purgavit, sibiq; primitias tem-
poris, Satanicâ occupatas tyrannide, pretiosissimi san-
gvinis sui primitiis vindicavit. Nugæ profectò & ani-
les prorsus sunt fabulæ, quæcunq; de Jano bifronti in-
geniosa Romanorum quondam excogitaverat seduli-
tas: Latet tamen, sub inani isto schemate, non sprenen-
dum prosperrimi consilii monitum, prudentisque viri
character, utpote cuius est præteriorum reminisci, &
futurorum pariter eventus sagaci prævidere mente ac
observeare. Neq; enim ea duntaxat, quæ ante pedes
jacent, aut oculis manibusq; capiuntur, expendere suffi-
cit, sed præterita sedulò ruminare, atq; ex iis futura cau-
tè colligere, omnino convenit. Quocirca cùm nobis,
qui radiis bonæ mentis divinitus immisis illustramur,
benigna surgentis anni facies nuper arrisit, nostrarum
utiq; erit partium, ut, juxta revolutam exeuntis anni
memoriam, in quoscunq; recentis casus atq; eventus
nos præparemus. Romanis circa hoc tempus thura me-
rumq; Jano, gratiarum agendarum gratiâ, deferre sole-
ne fuit. Rectius sanè æterno mundi architecto, Filio
DEI, calidò pietatis ardore fumantia precum consecra-
re thura, verâ animati fiduciâ, debemus. Hunc igitur
totâ mente rogamus, ne, veterum aliquot annorum
fluctibus eluctatos, novis nos committi iterum patia-
tur,

tur, neve in altum rursus, vix dum portu visō, abreptos
ventis ludibrium fieri permittat. Etenim nemini non
abundē constabit, quantis fortunæ adversantis expositi
telis tempore proximè elapsō fuerimus, quantisq; pas-
sim vulneribus regiones, provinciæ & urbes in Pome-
rania & alibi confectæ, adeò quidem, ut, nisi ex alto re-
spexisset DEus, actum de tot nobilissimis gentibus, imò
& hac patria nostra, penitus fuisset. Stupendum crede-
batur miraculum, quod, cùm ignium violentia totum
montis Cœli ambitum consumeret, sola Tiberii effi-
gies, in Junii Senatoris domo, intacta mansisset : Id
quod & ante Claudiæ Quintæ accidisse referunt, cuius
statua bis flammæ illusit in se ingruentis vehementiam,
ac proinde à Quiritibus in æde Matris Deūm collocaba-
tur. Verùm enim verò quam ejuscemodi prodigiis ad-
hibeamus fidem, emunctioris naris Viri dudum cognov-
erunt. Nos, sine veritatis dispendio, longè maximum
divinæ veneramur bonitatis miraculum, quod, inter vi-
rulentas tot malevolorum machinationes, inter minia-
tantia hinc inde publicarum calamitatum tonitrua, il-
læsi novum ingredi annum adhuc valeamus. Quamvis
verò, aliquot retrò lustris, nec horrendo belli discidio
distracti, nec occlusi ab hoste fuerimus, nec pestiferæ
etiam luis atrocitatem sustinuerimus, non tamen in-
terea compressis, quod ajunt, articulis sedimus ; sed in
scævam, an scævam verius dixerim ? incidimus fortunam,
modò Vulcani iras, modò improbi Genii fraudes nequa-
quam effugientes. Quamobrem ut, contra hasce cæte-
rasq; ingruentes futuræ sortis acerbitates, animos quo-
dammodo muniamus nostros, necessum omnino esse,
vel me tacente, quisquis intelliget, novo sub anno, vete-
res exorbitantis vitæ mores corrigere, Deiq; clemen-
tiam

tiam totis animi viribus ambire, quò impendens à patriæ & Arctoi Regni finibus malum longissimè avertatur! Aureæ equidem pacis serenitate in hunc usq; diem gratiosissimè illuminamur; at quantillum interest, ut illam denuò in densissimas bellorum nebulas tranquilitati infesti cogant? Quis nostrorum dubius ea propter & anceps imò non suspirat pectore? Metuendum quippe quàm maximè, ne Europæi orbis reliquæ, tot mutuis hactenus cladibus miserrimè afflictæ, tandem aliquando efferantur. Nam tanta horum temporum difficultas nos circumstat, tot dictu gravia & perpessu aspera nostris cotidie objiciuntur oculis auribusq; ut nullum penè vestigium volave melioris ævi appareat. Hinc, quemadmodum in domo malè fulta signa occurunt ruinæ plurima; & prout omnium in Oceanum amnium influxus; sic & cladium quarumcunq; in hæcce datur tempora, ut non immeritò quis ad illarum adspectum, tanquam ad Gorgonis caput, mirum in modum borreat & obmutescat. Quid in tanto proinde malorum cumulo faciendum? Diffidendum, suisq; desperandum rebus? Absit! Ingentia potius DEI Omnipotentis perpendamus opera, & quæ elapsò nobis annò benefacta exhibuit, gratissimò, ceu decet, corde agnoscamus. O quantum est, orthodoxam amplecti Religionem, verumque Numinis cultum, vanis traditionum humanarum ineptiis vacuum, profiteri! Quàm grave contrà & durum, salutari Verbo vimq; habente vitalem penitus destitutum esse? Subtractâ modò sacræ Scripturæ luce, in gravissimos eheu! prolabimur errores, & spississimis obruimur tenebris. Nulla tum fides, nulla in decumanis adversitatum procellis firma ac certa consolatio. Gentiles, excellentis ingenii acumine & subactâ variarum rerum

rerum sapientiâ, nihil nobis concedunt, sed quantis dubitationum fluctibus hinc inde jactati sunt? Varro, Romanorum doctissimus, indicem Deorum ex antiquis confecit monumentis, & triginta mille Deos numeravit. Nec mitiori in hunc usq; diem sorte fruuntur, qui extra pium Christiani gregis cætum, in remotissimis terræ locis, subsistunt. Hi quippe vel sexcentorum Deorum imagines præ se ferunt, & chimærarum instar, horrenda virorum, fœminaruim & ferarum spectra fœdissimè adorant. Tot apud Assyrios Dii, quot urbes; apud Persas, quot in cœlo stellæ, in terra ignes; apud Græcos, quot in cerebro imaginationes; & apud Ægyptios, quot seminantur & proveniunt plantæ. Quid de illis, qui sub Papæ vivunt umbraculo, dicamus? Res notior, quam ut multis verbis exprimere necesse sit. Quis igitur non capit, quanto nos bono gaudeamus, qui, sub splendidissimo Evangelii lumine, dies nostros transimus? O nos felices, quibus divinæ scientiæ aura cotidie afflat, nostraq; pectora suavisimè afficit! Si porrò ad Politias mentem convertamus paulò accuratius, proh Deum immortalem! quantus beneficiorum oceanus, quam fœcunda celebrandi DEum se hic copia insinuat? Quibus laudum encomiis effaremos, quod clementissimum Numen Reip. cymbam, in hoc vastissimo turbulentissimarum rerum pelago, multorum dissensionibus atq; discordiis periclitantem, validissimè defenderit, ejusdemq; proram paternâ suâ rexerit manu, neq; eam suffocari excitatis improborum procellis passus sit? Quô animi sensu id expremendum, quod à manu DEI funestissimâ, contagione nempe istâ, quæ hactenus magnam Germaniæ partem fœvissimè corrupit, huc usq; benignissimè conservati fuerimus? Feralis illa DEA, Parca, nemini Parca, sed quid

quid Parca? DEUS nobis ipse, ex peculiari gratia, peperit, cùm alibi magnas hominum strages ediderit. Quapropter truncus sit atque stipes, qui tam evidentibus Dei Opt. Max. erga nos benefactis ad grates persolven das haud commoveatur. Alia in præsenti non tango, præsertim quæ ad singulos spectant, quæ si pari enarrare vellem operâ, charta me & dies, materia nequaquam, deficeret. Satius ergo erit cuilibet permittere hæc in se rimari & ruminari, quæ ingratiō verborum tinnitu aures æquè ac animos aliorum onerare. Postquam ita eximia illa, quibus Præses mundi Rectorque universi elapsō nos annō luculenter affecit, nobiscum recoluiimus beneficia, restat, ut, quid novus sperare nos itidem jubeat annus, *as ē περιστάμενοι* percipiamus. Quibus jam defuncti sumus periculis, quæ hactenus superavimus adversa, sa tis superque constat; illa autem, quæ in posterum accident, haud æquè in promtu nobis est novissē. Sunt, qui ex fidere cursu mala augurari plurima audent, adeoque nobis non nisi perniciem imminere, tanquam è tripode pronunciant. At, ut vulgarem nobilissimæ artis abusum silentij involvam sifario, eventura longè certius ex *Θεοπνεύστις* addiscimus documentis, quæ si temeraria audire ineptientium judicia velimus. Hinc, sacrâ monente Scripturâ, regulam vitæ formarè debemus prorsus infallibilem, nullis seculorum decursibus mutandam, quâ nempe bene agentes manent à Deo præmia, secus verò quisquis se gesserit, promeritas tandem poenas luet. Atq; in eo omnium retrò æstatum exempla, præcipue si divinam attendamus praxin, suavissimè conspirant. Alias enim justissimum æterni judicis vacillaret tribunal, quod vel cogitare, extremæ esset dementiae & impietatis. Quamobrem, si vitam instituemus frugi, vociq; divinæ conso-

consquam, hocce, quod per summi Numinis clementiam
jam ingressi sumus, anno meras benedictiones & felicem
rerum nostrarum successum præstolabimur. Hæc in
gratiam Optimi Juvenis, Declamatoris nostri, consigna-
re volui, imo debui, qui Venerandi Parentis sui, bene me-
rentissimi Ecclesiæ apud nos Antistitis, legere vestigia
alacriter intendit. Ille quippe (alia enim fileo, ne ingenii
culpâ deterere ejus laudes videar) eam in dicendo du-
dum vim consecutus est, ut nomen & decus sibi parave-
rit maximum. Itaq; Filium hunc suum unicum ean-
dem ad virtutem ac doctrinam, &, qui illarum comes,
honorem, viam servare docuit. Neq; haec tenus, quam
de se hic noster excitavit, spes fecellit. Quod proinde
olim Herodotus Oloro Thucydidis Parenti, ubi ex certo
indicio egregiam nati perspexerat indelem, in ipsis dixisse
fertur Olympicis: μακεῖω οἳ θῆς ἐνενίας, id & plu-
rimum Reverendo Parenti huic optimo jure acclama-
mus, ejusdemq; senectam etiam hac in re felicem prædi-
camus. Quare, quicunq; estis, si indelem amatis bonam,
si majorum apud vos quicquam valent merita, promptis-
simis utiq; animis, divinatione aliquâ vos oblectaturi, ad
hanc accurretis panegyrin, ac de venusto argumento ve-
nustè pariter dicenti benignas accommodabitis aures.
Quod ut Magnifici Patriæ Patres, Divini Präcones Verbi
perquā Reverendi, nec non cæterorum civitatis ordinum
honoratores quiq; faciant, omnes & singulos decenter
rogamus. Postremū, strenæ quasi locō, JEHOVAM
in vita Doctorem, in consiliis lucem, in actionibus du-
cem, inq; morte comitem unicuiq; serio ac ardenter pre-
camur. P.P. die VI. Januarii, Anno cl̄o Icc. ccxlii.